

靈巖山人詩集

靈巖山人詩集目錄

第十九卷 古今體詩

聽雨樓存稿

柔兆閭茂

贈別

重過石虎街書窗桃花一株裘大超然

庚子

手植

也花開爛漫感賦二首

讀吳梅村先生集書後四首

呈商太守寶意

盤

先生

蛛網

蜂房

蜨夢

螢火

慶樹齋少宰方山靜憩圖

望山先生拈聚奎堂壁間原韻作詩遍示同考

諸公依韻奉和

雨後過望山先生齋論文疊前韻

客春相國扈從棲霞道中已面奉今科會試總裁之

命闡中談次再疊前韻奉呈

揭曉

相國復以新句畱別諸同事卽次

原

呈望山先生并謝以所選斯文精粹見貽二首

白丁香花十二韻

紫藤花十二韻

中酒

雨過

無題八首

有序

龍鳳雙硯引東曹萊英褚筠心

庭璋

雨窗與石亭話舊三首

重游白塔寺作

鄧尉山樵以便面寫秋林遠岫見寄因作此奉

謝

題裘二超承獅江帆夜月圖三首

雨不止作歌五首

送楊竹堂出守平越

宋謝文節橋亭卜卦硯歌有序

嵩陽引壽胡母甘孺人

石筍行

石幢行

石人行

童梧岡長沙使至復書並寄

殘雪四首

靈巖山人詩集卷十九

鎮洋畢沅秋帆

一字  
蘼蕪

聽雨樓存稿

柔兆闍茂

贈別

轉眼花朝淑景融  
計程寒食到婁東  
綠陰紅雨知何處  
人在鵲花十里中

重過石虎街書窗桃花一株裘大超然

麟

手植也

花開爛漫感賦二首

細朶菲菲淡粉勻  
一枝低亞傍墻堙  
淒涼細雨胭脂濕  
同向春風哭故人

潯陽江上水潺湲聞道青楊拱墓田朝憶種桃人不見亂  
紅愁殺落花天

讀吳梅村先生集書後四首

蓬萊紫海又揚塵淒絕金門舊侍臣浣女不知香草怨隔  
江還唱秣陵春

白頭祭酒意無聊淚灑銅駝滿棘蒿忍遇東廂舊園叟夕  
陽菜圃話前朝

草間偷活爲衰親絕命詞成飲恨新香海一坏埋骨後梅

花窟裏弔詩人

墓在鄧尉山下前暨園石書詩人吳梅村墓此先生遺命也

見時頻過廓然堂松竹前賢手澤長誰料午橋觴詠地轉  
頭又見小滄桑

呈商太守寶意盤先生

江山奇秀鬱雄文  
萬里旌麾指夕曛  
畫壁吟殘吳楚粵  
又攜老筆走滇雲

長慶新聲譜管絃  
風懷依舊卅年前  
酒旗歌扇前塵事  
說著秦淮尙惘然

南定樓頭日未曛  
蠻花妬殺石榴裙  
楊郎傅粉狂吟後  
風雅於今屬使君

藤橋鐵杖海雲深  
焚道西南畫戟臨  
風土百蠻親入記  
不煩傳寫到雞林

蛛網

一番羅織後觸者牽  
纏死肉食而深居  
經綸乃若此



蜂房

亦寄人簷下隨身懷小刺怪底往來勤各爲戶牖計

蜨夢

兩兩玉腰奴宿處花臺黑薄霧護輕魂應迷衆香國

螢火

一星出草茅莫笑光微細囊括向經筵能明先聖字

慶樹齋少宰方山靜憩圖

石泉淙淙風謾謾松根有人面如玉玉泉瑩澈玉山青乃是相門公子新擢天官卿與君相知歲月久爲君題詞十年後試問同官機地時少年狂態猶存否對君披圖還看君差喜容顏未老醜便煩青瑣珥金貂猶是泥人春月柳

却憶相公開府吾鄉三十年荀龍謝鳳日夕相往還邇年  
卽在甘泉豹尾間金闕白門春正妍夢魂吹落風花天胡  
不刻畫棲霞峯頂雲兩角不則寫出蔚藍十里秦淮船江  
草江花堪把覽江南山水足以供流連而乃貌此貞蕤修  
幹雙蒼龍禿襟趺坐神冲融豈知畫師有深意眼底紛紛  
盡却棄惟此霜皮黛色青銅柯拔地參天棟梁器好爲侍  
郎明遠志而我與君松下逢青苔白石時追從春風酣酣  
桃李濃浮雲富貴都虛空世臣勛戚屬子躬願君家法學  
相公噫嘻君能家法學相公後凋視此圖中松

望山先生拈聚奎堂壁間原韻作詩遍示同考諸

公依韻奉和

詔許掄才

眷注深聚奎堂喜福星臨斯文自昔關元氣公望於今重  
士林論到先民歸典則拈餘大筆判飛沈白頭宰相虛懷  
甚四十年來矢此心

雨後過望山先生齋論文疊前韻

天街雨過杏花深棘院清嚴喜乍臨矮屋誰誇珠在握佳  
篇應許玉爲林定知老眼原無障猶恐真才或易沈重到  
當年文戰地三條畫燭尙驚心

客春相國扈從棲霞道中已面奉今科會試總裁  
之

命闈中談次再疊前韻奉呈

閱歷方知辛苦深  
明神肅肅在旁臨

聖朝久已崇經術  
實學真堪愧藝林  
鳩杖風和春盎盎  
龍門鼓寂夜沉沉  
才知南國棲霞路  
隔歲先縈簡在心

揭曉前一日相國復以新句畱別諸同事卽次原

韻

臺閣文章重世家  
吟成醉墨任欹斜  
春風吹遍瓊枝雪  
還問當年及第花

眉嫵從人問淺深  
幾回眊耗淚沾襟  
九重親奉憐才意  
遺卷重搜識苦心  
瑣闥佳話幾番新報

國文章重此身滿院綠陰他日到依然前度種桃人

呈望山先生并謝以所選斯文精粹見貽二首

江關和氣暢魚禽回首棲霞隔翠岑推轂功還歸鼎軸攀  
轅情更切蒼黔冰臺朗鑑懸珠斗霜鬢飛花點玉琴拜  
賜豐貂猶懶著素絲風節凜臣心

問字曾叨列後堂正聲此日慮微茫騷壇終藉扶輪手俗  
學今傳換骨方裴相賓朋依綠野令公風物愛秋芳吟餘  
倦作西園夢新得平泉號晚香

白丁香花十二韻

一種多情樹誰栽綺閣前葉青雲蹙摺蕊素玉彫鐫忽訝  
深春日重交小雪天霜華容借彩星點許分圓浥露光逾

豔迎風態倍妍三生妝雅淡百結恨纏繇秀靨渾疑笑幽  
姿若自憐未宜供斐几只合貼金釧絡索珠千縷玲瓏壁  
數聯夜分猶的的雨過更娟娟此日勞調粉他時恐化煙  
流芳知有待不藉杜詩傳

紫藤花十二韻

滿架龍蛇影花憑蘋玉彫續紛攢疊萼宛轉綴長條戶外  
張朱幘人間有絳霄光分霞彩麗暈浥露痕嬌弱質須援  
繫柔情易動搖寒衾鋪紺縠春服翦丹綃羞頰何時解醄  
顏不易消豔真天所縱香得客無聊羃歷當吟榻歲華磨  
綺寮蘋虬齊架霧紅雨下如潮瓔珞收遺佩珊瑚問墜翹  
廣庭飄落徧誰解惜瓊瑤

中酒

半簾殘月轉迴廊  
廊角緋桃浥露香  
正是春人新病酒  
蛤蜊葉夢橫塘

雨過

雨過苔痕綠上廳  
鑪香漠漠裊銀屏  
兒童愛聽離奇事  
泥我閒談海外經

無題八首

有序

小樓聽雨已逼花  
朝令節禁煙又逢寒  
食感韶華之冉冉  
悲客思之騰騰芳  
信忽來鄙懷益歎  
並勞瓊報遠賁雲  
箋託美人香草之  
思寄鴻爪雪泥之  
意愛而不見我勞  
如何紅雨江南攬  
玉堂之清夢碧城  
天上

攀珠樹之瓊枝寓意無題寄聲有作縱使雕金鏤玉  
無非游戲之詞庶幾題柳吟花悉本風騷之旨

芙蓉城闕夜沉沉虛幌斜通珠斗臨刻燭清吟嫌漏短懷  
人小夢怕春深愛聞蘭蕙幽芬氣愁剝芭蕉宛轉心袖底  
暗翻紅豆曲攜來石上理瑤琴

玉河新柳碧鬢髻陌上相逢走鈿車底處似經蘇小墓幾  
時曾降蔡經家長睂愛掃臨青鏡短拍工填付紫牙却向  
東風小垂手水晶簾下看梨花

紅羅密密護瑤房羽帳雕文百寶牀一縷心香通碧落二  
分睂月照空梁風前初試宜春服花下新翻入世妝摺得  
同心方勝罷又拈鍼線繡鴛鴦



君家河北妾江南消息多憑青鳥探翠竹粉新香不斷綠  
窗春暖夢初酣長箋舊恨傳斜語團扇清詞抵面談金粉  
畫圖尋月地曲闌芳草記春三

羽衣仙子住層樓玉宇高寒最上頭絳幘朝真花爛漫雲  
軿訪道骨清修蕊珠文字人間讀光碧軒堂鏡裏游儂本  
飛瓊經小謫姓名仍隸鳳凰洲

消魂時節近花朝上巳風光倍寂寥雙燕有情窺繡幙亂  
鴛無計款春韶珠簾乍捲真花落錦薦慵支好夢遙懊惱  
夕陽樓閣外滿街吹送賣餠簫

錦屏風外是天涯解佩他時願未諧么鳳金蟠如意合雙  
鸞玉琢並頭釵相思秋草年年換獨翦春羅字字佳心事

分明隨皎月不論遠近墮君懷

空中尺素報平安雲際高騫白鳳翰九子鈴空驚曉夢五  
銖衣薄怯春寒加餐好進青精飯換骨頻分紫雪丹料得  
碧桃花下過蓬萊秘籍許同看

龍鳳雙硯引東曹萊英褚筠心

庭璋

褚君貽我硯其上琢雲龍意欲與我如彼常相從曹子贈  
我硯其上鐫鳳凰意欲使我節節足足和聲鳴朝陽褚子  
本真龍曹子卽鳳族我願墨池飛出北溟鯤翻騰變化上  
追摩天門下隨游海濱乃語硯曰鳳兮汝莫升天龍兮汝  
莫潛淵使我中書君躬耕老此二頃之石田石不能言請  
以臆對利見大人龍在田

聖人垂拱鳳鳥至願君孺豪吮墨金馬石渠詠歌盛世

雨窗與石亭話舊三首

駒隙流光去莫追前塵昔夢裏風絲江楓秋老毘陵驛可  
記同舟擁被時

妙悟何郎痛瘡捐忍將涕淚灑重泉遙知宿草秋墳路雨  
冷吟魂已十年

謂何十  
晚芳

轉頭樂府潮歌場蓬跡飄零舊酒狂却憶往時觴咏地年  
來松菊已全荒

予幼時與諸君結  
吟社于金山草堂

重游白塔寺作

瀟灑古琳宮浮圖擢太空香飄旛影裏客到磬聲中廊竹  
凝煙碧階苔背日紅又看禪院菊開滿去年叢

鄧尉山樵以便面寫秋林遠岫見寄作此奉謝

老樵愛山貯畫篋五湖煙翠到睂睫偶將便面描林巒不  
寫梅花寫楓葉笑我辭家已十年夢魂常戀舊溪山山人  
出山猿鶴寂涼月高挂松雲間波迴嶺複果何處擬借柴  
車載家具平沙葭蕩望蒼蒼竹院三間破草堂一桁碧嵐  
橫暮色半林烏柏冷斜陽崖巔樓閣空王宅彷彿鐘聲度  
清樾杖藜入谷彼爲誰安知不是眠雲客路斷溪深喚渡  
忙居人泉石成膏肓臨流不復種桃樹落花恐又迷漁郎  
扇端一點污墨錯添出遠峯真不惡和靖家中客每過籠  
間放出孤山鶴

題裘二超承獅江帆夜月圖三首

香土東華事有無江鄉清景費追摹憑誰喚起王摩詰重  
寫名山挂席圖

湓浦章江接杳冥扁舟滿眼盪空青  
敝舫歌罷滄波靜定有魚龍夜出聽

菰蒲望遠已多年剪取吳淞景宛然  
便欲從君書畫舫畧分清夢到鷗邊

雨不止作歌五首

太陰司歲功元冥挾號令一雨過三伏  
直屆秋之孟癡蛟肆憑陵黑蜨恣跳橫  
坤軸較輶飛霆聲長雷下注雙虹明  
碧海波翻掉尾鯨銀河無底漏玉清  
澹澹淋淋不復停徒使孤客羈魂驚  
虛窗夜闌對短檠燈花暗卜明朝晴  
朝晴

洵可喜暮雨愁何極夢迴淒風敲枕側疑是月落天光黑  
起看屋角雲如墨

黑雲四起雨勢濃屏翳叱咤驅土龍橫流淫潦聲洶洶長  
衢曲巷無人蹤車轍泥濘深數尺蹇驢牽出力已慵鞭之  
不動輒欲臥四蹏陷淖恒邁邁擲鞭太息入門坐西窗話  
雨誰能從牀牀屋漏少乾處頭戴簪笠居齋中長安小民  
多力傭居人那免愁殮糞

居人尙如此行人當柰何予季昨南下舟發如投梭津門  
水程經百折布帆雲外空明滅波濤萬頃掣魚龍浪花蹴  
碎飛寒雪同舟賴有素心人剪燭推篷話離別君今去矣  
我獨畱况逢秋雨心淒切昨傳消息自江南民間斗米四

百錢

江南歲歲多梅雨聞說今年雨更苦江淮之水趨下流舟  
行不見白楊樹邇年河湖經擘畫巨浸污萊成沃土三吳  
財賦甲天下煦嘔拊循非小補此時大火正西流金穗玉  
粒宜盈疇江鄉風景牽予愁水田漠漠飛白鷗田家一晴  
一雨關天意欲識天心在人事力穡逢年拜明賜游民妨  
耕賈妨農況乃愁震動爲戾

去年直省告豐收小熟大熟書有秋小民元氣漸充復  
九重額慶成天休今年夏秋交積陰勢摩盪南北數千里  
河增一丈浪廬舍半傾塌溝渠勢滂泱雖云未成災水勞  
已有象大田刈穫及是時其雨其雨曰怨咨嗟乎其雨其

雨勿怨咨吾

皇調劑優爲之

送楊竹堂出守平越

一麾西指萬山顛  
蠻郡端資老守賢  
舊雨空齋燕市酒  
孤鐙小驛夜郎天  
馬頭古洞雲成石  
龍窟驚灘紙作船  
好遂班生投筆願  
蘭滄江外正烽煙

黔陽境接古梁州  
輓粟飛芻借一籌  
地雜苗夷風近古  
時當征調澤應稠  
巖疆治本需循吏  
遠宦天教作壯遊  
滿路竹雞嘯不歇  
露蛩西去莫回頭

宋謝文節橋亭卜卦硯歌

有序

按宋史疊山先生自信州兵敗以母老不死遁入閩



中變姓名賣卜建陽東門朝天橋亭是硯賣卜時故  
物也逕一尺廣半之厚寸許背鐫宋謝侍郎硯五大  
字有程文海銘取不食而堅之義以首陽高節比公  
石質黑黝古澤歛產也明永樂丙申歲閩大水橋亭  
漂圯易爲公祠郡人趙元掘地得之閱四百年轉徙  
至直之津門潮音庵僧取以支牀爲詩人周月東所  
得查儉堂太守有嗜古癖一見欲之周曰是不可得  
也我死當歸君後儉堂官西粵一日郵札至封題宛  
然開函硯在而周君死矣乾隆丙戌冬攜來京邸酒  
酣出硯諸名士各賦贈之嗚呼是硯片石耳孤臣版  
蕩之思良友死生之誼有卓然不可磨滅者是可寶

已

厓山鼎淪宋社屋建陽孤臣抱硯卜滄桑劫外硯依然七  
朝眼見收殘局舊蹟朝天易代存靈潮漂出翠雲根遜國  
丙申標漢臘奇章甲乙重王孫硯長逕尺珍璫玖賞鑒今  
推查太守平生風義故人同貽自析津周月東名士愛硯  
抱硯死封題遠寄榕巢子良臣肝膽逋臣血千古傷心長  
對此雪館鐙昏賭酒卮鬪坪遺事更誰知摩挲石丈峻嶒  
骨如見麻衣野哭時先生夙妙靈氛術廿年前抱先幾哲  
五更妖讖杜鵑啼海陵甌慘青城月龍戰元黃道已窮明  
夷用晦爰重揲後死難孤老母恩逃名忍附遺民列長抱  
區區不轉心硯與先生兩決絕南冠逼致老經師冰雪邊

關鬢若絲餓夫自分辭周粟孝女空慚讀漢碑佛鐙慘澹  
孤魂炯碧血模黏病骨冷潛璞埋殘五百年硯南公北存  
亡并破驛炎荒萬里長土花繡蝕歛溪良支龜背到潮音  
閣驚鶴今翔秋白堂龍尾四圍蟠古篆麝熏重襲發新香  
銘詞悔託程承旨官秩仍鐫宋侍郎硯兮硯兮汝獨瓦全  
人已杳紅絲玉帶應同寶卻聘書猶今日傳乞降表免當  
時草鐵質寄鏗戰鼓聲恍提一旅信州城墨池清淺平如  
砥飲恨安仁半江水君不見西臺如意水雲琴抱器飄零  
底處尋又不見大觀法物經奇厄德壽芙蓉總陳迹半壁  
江山六陵骨不及趙家一片石吁嗟乎終古西山未了青  
江東人說謝提刑故宮忍問冬青樹銅爵香銷冷舊京

嵩陽引壽胡母甘孺人

嵩陽鬱靈素上有女貞樹金閨令聞揚蕙質夙所賦

一結解

穉事君子及笄歸名門飛飛雙鳳凰一旦東西分

二庭樹解

秋槭槭悲思日以積家門無次丁舅姑髮垂白

三奉我堂解

上親慰彼泉下人捐軀亦何難心傷昏與晨

四皇天祚明解

德一線綿宗祏嫂氏長養恩頭角漸岐嶷

五崦嵫景已暮解

風木催心胸哀哉北邙坂枳棘墓門封

六皚皚嵩山雲皎解

皎嵩山日青銓四十載婦道一以畢

七門前蒼松長孝鳥解

鳴且翔王言旌其閭以樹後世坊

八解

石筍行

數株石筍臥籬空瘦削孱顏態驚衆長者三尋短二尋苔

封蘚蝕青無縫聞昔江南購致時鉤聯巨艦千夫送毀垣  
闢戶始昇入瑤館琳窗作清供下植紅蘭帶雨移傍添綠  
篠鉏雲種春池漾影動魚牀月榭分陰涼鶴夢皺透參差  
畫不如主人顧盼恒珍重一朝小劫遇紅羊園圃荒殘足  
悲痛雲根傾倒自何年半陷泥沙失陰洞惟餘苦菜驕春  
風叢花獨占遺基弄

石幢行

荒郊有物如柱形削成六面鐫真經沙門昔置証流俗護  
以朱欄覆以亭帝釋如神威必應辟除邪祟朝仙靈衆生  
結願奉持者不徒懺罪兼延齡癡男騃女走相告漸至卿  
上俱悚聽金錢佈施等山積車馬雜選無時停誰知陵谷

忽遷易殿宇傾圯僧凋零古井欄移土花赤齋堂砌斷秋  
苔青獨餘此幢屹然在時有好事搜殘銘傳聞往往昏黑  
夜鬼鐙來去常熒熒

石人行

荒荒落日挂枯木翁仲無言立巖陸不知前代何人墳碑  
碣不存邱壟禿玉魚金虎諒消沈蒼鼠文狸常出伏年年  
寒食棠梨紅拜掃只聞鄰豕哭族氏勲名杳莫詳徒畱此  
物傷人目相傳歲久漸精靈風雨宵昏走林麓有時出掠  
雞犬食血點淋漓汚袍服往往夔魑罔兩輩附木憑風居  
聚族時聞疾病鄰村人禱請弭災更祈福酒漿滿地紙錢  
飛古月如丸墮煙綠

童梧岡長沙使至復書並寄

十年兩制總同官

軍機翰林即古之兩制

臭味分明淡古歡紅燭禁垣鐘

未動白榆絕塞月初殘人隨歌舞如花散鴈落瀟湘賸影  
寒珍重臨岐酬別語前途風雪正漫漫

殘雪四首

天花一夜灑人寰晴日門庭屐往還疎木之中皆白屋斜  
陽以外少蒼山園亭尙幸瓊枝在邱壑誰將粉本刪檐角  
南柯牆脚蘚春痕已動有無間

平明步履入園門漸次坡陀露樹根淒楚玉容經冷落積  
唐鶴髮少溫存閒牕尙認殘蟾白流水新添斷碣渾一曲  
陽春酬郢客璵璠收拾滿乾坤

誰折瑤華寄好音書齋博得伴幽吟迎陽紗覺門如水隔  
竹遙疑鶴在陰白眼有人偏晤對素心何處試追尋深居  
冷淡由來久一種冰懷怕熱侵

聞說前溪路漸通梅花消息訪鄰翁寒銷酒庫三竿日跡  
屏書堂一面風昨夜已看危磴瘦今晨全出小闌紅殷殷  
情切人間世潔退仍畱澤物功

永濟門人崔龍見編校

靈巖山人詩集卷十九



靈巖山人詩集目錄

第二十卷 古今體詩

聽雨樓存稿

強圉大淵獻

上元鐙市曲十首

雅瑟詞

古碑歎

貧士吟

寒女詞

獨樹歌

廢園吟

羈旅吟

廚娘曲

送遠操

失釵怨

張樂詞

對酒詞

牧牛詞

捕魚詞

射鴨詞

伐木詞

養蠶詞

打麥詞

采茶詞

賣花詞

題出塞圖爲徐蒸遠步雲中翰作

題董東山師所藏郭河陽闕山行旅圖

閏七夕

題扇有寄四首

有序

閏七月旣望過芷塘寓齋會王大蓬心至小飲

接葉亭月下放歌

秋日同人集劉竹軒寓小飲

題陸葵霑先生吳淞歸棹圖

棄婦詞三首

小游仙詩三十首

集夢堂司農獨往園爲查儉堂太守題入蜀圖  
卽送之官寧遠

靈巖山人詩集卷二十

鎮洋畢沅秋帆

一字  
縷齒

聽雨樓存稿

強圉大淵獻

上元鐙市曲十首

東華門外上元時  
五色鐙然百萬枝  
畫閣朱樓簾盡卷  
春寒料峭不曾知

流蘇五彩綴檐牙  
陣陣香塵走繡車  
始信玉京天不夜  
金枝紅徧萬人家

燮理微憑點綴功  
不徒事此慶年豐  
人閒寒沍陰凝氣  
銷盡魚龍影戲中

九微鐙影一聲歌檀板銀箏簇綺羅南北兩廂齊競勝誰  
家樓下聚人多

珍奇羅列市三條銀燕金鳬處處燒始識昇平原有象滿  
城簫鼓輒連宵

琴麗珠綴玉蟬聯鐙樣新奇勝去年一顧朱門聲價重大  
家爭購不論錢

襪襪青鳳絳雲攢膏購嶮嶮細棗難無數游人爭入寺侯  
門新施繡旂竿

相逢立馬大橋頭年少豪門作夜游何處徵歌謀一醉玉  
鞭遙指望春樓

踏鐙新試牡丹鞦笑語門前姊妹偕更漏漸深人漸少好

乘明月走天街

拈豪自拂剡溪藤詩未吟成硯已冰如此尙孤佳節否一窗梅月一書鐙

雅瑟詞

朱絲碧桐含清芬三尺六寸有六分高齋見之意肅穆金徽隱隱羅星文此器人閒已無譜餘音只憶湘靈鼓淅淅寒霖嫋嫋風洞庭波涼鴈聲苦時遷人往迹空遺拂拭怵然有所思誰憐置散投閒物曾奏明堂清廟詩

古碑歎

破廟無門風不歇萬樹松花灑黃雪庭隅斜照薜斑斑龜趺入土碑三截拂拭子細看銘誌半磨滅歲月無由詳撰

書名兩缺斷續百餘字結體整而潔核其波磔閒依稀虞  
與薛可惜希世珍無人知玩擷歐陽暨趙洪記錄失登列  
卽此推物理小大同一轍莽莽乾坤內埋沒詎勝說珠生  
滄海那全搜玉在藍田寧盡挾思之思之心蘊結誰持此  
詩鐫石碣

貧士吟

江城三日雪霏霏有客雙肩白板扉竈突無煙甕無米淒  
涼坐擁青氈衣殘年何處謀升斗躡屐衝風詣親友不慣  
低顏訴向人幾番欲語終緘口薄暮依然徒手回琴牀硯  
席吹浮埃清茗一盃鐙一殘瓦瓶吟對梅花開

寒女詞



桃實初黃梅已標寒女深居人未曉悅祀明詩操作工只  
餘阿母憐嬌小東鄰嫁女歲纔周已見歸寧抱阿侯西鄰  
小妹年十四又說冰人來問字阿母相看常惘然蹉跎吉  
日復經年蹇修叩門忽致語昨日襄陽來大賈爾若能趨  
時世裝不吝金錢便相取寒女殷勤笑相謂雞逐雞飛各  
從類女蘿平地微賤姿無因結託珊瑚枝

### 獨樹歌

一樹亭亭拔巖麓宛似高人愛幽獨儘多古幹排飈輪騰  
有孤根通地軸奇姿堅質蒼龍皮雪霜凜冽渾不知如此  
大材宜廣廈應待人間有力者千尋直欲入青雲十畝盡  
教成綠野未知生長是何年櫟枰遠聽疑縣泉夏日炎歊

金石鑠綠影如雲常漠漠豈獨堪棲飛鳥爭並看得廕行人樂我欲樹傍置石亭歸來無事坐繙經只愁一旦生煙霧忽化靈槎天上去

廢園吟

城西偶入舊林亭徑草階苔一片青朱竿半脫荼蘼架盡檻斜傾芍藥廳此閒本是豪家屋湖有虹梁垞有竹蛺蝶春深繡幙穿鴛鴦水煖銀塘浴石扶月榭碧千尋花護雲房紅一簇忽值殘秋風怒號荒涼滿地落松毛無復珠鐙千璣豔空餘石筍半牆高交榦紅桐金甃井一泓冷浸秋雲影離離鶴蝨滿花臺箇箇蝸牛延石鼎圖畫依稀金粉人煙波想像笙簧艇無限傷心何處論涼風薄靄欲黃昏

栖鴉返樹遊人去頭白鄰翁爲鎖門

羈旅吟

水洄洄山疊疊纔離短轅車又上衝波艤山城干謁投故人故人前月向天津進已無門退不得春花春鳥偏傷神一厘僦居湖上廟失計翻遭頑僕誚土屋牆穿見樹來風窗紙破疑梟嘯猶喜春殘典有衣擔書襪被且旋歸兼程日暮無鐙火徑仄溪斜路相左更深方得見田家借宿殷勤蒙許可擷蔬浙米具盤飧老翁卻坐道寒溫篝鐙相對酌村釀備述家園睽隔況坐傍小女聞客詞問客如何是別離

廚娘曲

雲居山言集卷二  
衫裁輕紵釵鏤銀年未三十饒丰神名都豪貴新聘取善  
向庖廚鍊八珍饌玉炊金供一飯一物新奇錢累萬熊掌  
馳峯何足多咄嗟所貴羹湯辨片時合意賞賜殊朱提漸  
漸充私帑便爾辭歸作家計花下當壚張酒肆

### 送遠操

前程千里復萬里相送君行從此始隱隱斜陽側側風布  
帆一葉浩煙水遠游終勝在家貧況復天涯若比鄰但得  
男兒伸志願何爲齷齪戀交親行矣秋光明似畫他時欲  
見無難會因風有夢可相尋知君只在千山外

### 失釵怨

釵頭瓏璫尾合股一雙盡結同心縷良人昔日定情時玉

鏡臺前親贈與感戴何曾片刻離髻鬟百葉雅相宜常聞  
彩伴私稱羨匠手精奇價不貲園亭入夜看蟾魄匝匝花  
叢春徑窄歸向妝樓待卸頭驚心只見鴛鴦隻移鐙依舊  
出重門月滿瑤階杳無迹似有風枝掠鬢邊亦曾羅袖翻  
簾隙自尤自悔自猜疑珠淚盈盈情脈脈一物雖微恩義  
深無端脫落恨難禁渾如玉蜨風前散宛似銀瓶井底沈  
歸來幾度興長喟夢怯魂驚難割愛平明急起索金錢遣  
婢橋頭打瓢卦

張樂詞

絳蠟幢幢立彩虹羅屏繡幙圍春風西園公子作清宴蘭  
堂貼地氍毹紅小隊吳伶俱稚齒玉笙金管調宮徵啾啾

七十二鴛鴦翔戲銀灣曙煙裏轉調琤琤小忽雷顏雲凝  
碧吹晴開纓鈴鈿扇姍姍去麟帶蟬衫嫋嫋來綠醺百徧  
遭觥罰蓮漏水乾曾不歇歸臥塘東走馬樓梨花一帶飄  
香月

對酒詞

造物由來於我厚萬卷蠶叢儘消受到處花前開笑口欲  
挽天河作春酒今日復何日韶華百態新溪山旣明麗竹  
樹尤精神流連當前景慨念現在身所幸不曾爲古人古  
人往矣成寒燐又幸非復是後人後人茫然猶幻塵今我  
得爲我冥冥豈無因常招歡伯共陶寫醉鄉日月何瀟灑  
無秋無冬無春夏相逢盡是忘憂者但得樂相樂安問才

不才浮榮與浮利於吾何有哉一石徑醉五斗解醒千秋  
萬歲以酒爲名玉山頽兮不得去當戶花枝索新句

牧牛詞

草淺淺牧牛遠朝東岡暮西坂敗蓑破笠遮雨風牛瘦任  
咎肥無功歸掃牛欄驅牛入腹飢欲死不敢泣生菰白粥  
纔霑脣又聞主人呼徙薪傭身自笑等奴輩何事牽牛名  
乃列二十八宿內

捕魚詞

芙蓉落盡秋江冷漁父爲家僅舴艋捕魚不論西與東但  
有逆水無逆風笳簪已滿舉家喜小者充庖大易米江湖  
生長少朋儔男婚女嫁俱鄰舟岸上聞多離別地尺素常

憑雙鯉寄網得鯉魚因放生腹中恐有相思字、

射鴨詞

野塘秋雨過風輕波粼粼鴨媒襍襍羽哀鳴求其羣菱絲  
菰米雞頭葉同類飛來相啖喋潛機一發竹枝弓雙翅忽  
投平碧中嗚呼君不見世上同氣多嫌猜何獨秋來射鴨  
媒

伐木詞

帶索出門天始曙蒼厓芟斫槎枒樹坎坎數聲衣盡霑振  
落高林夜來露竹擔兩束賣入城糴得桃花米五升餘錢  
向市沽白墮去祀山神神福我蛇虎不逢薪易售山路崎  
嶇何足憂采樵不采桐與竹留待丹山鳳來宿



養蠶詞

桑努青芽如鳥背春風幾日蠶生紙暖房新粉泥未乾一月忌人門不啟紅鐙綠酒祀蠶娘但祈蠅鼠無相妨已過三眠蠶漸老時向空庭煦蒿草侵晨開箔小姑忙團團新繭凝寒霜茅廚水煮掉車轉縑出冰絲肱力輒生綃日織不停機知作何人新嫁衣

打麥詞

大麥黃小麥黃麥尾垂垂如簪長婦姑腰鑷穫南畝犢車運歸土門口上場打煦趁晴日陰雨儻來芽易出拍拍連耨聲不停明日輪官詣縣庭去歲歉收租未竟催帖到門鈴赤印賣蕪納補無薪燒林鳥妄言婆餅焦

采茶詞

穀雨欲來茗芽吐一旗纔展半槍露山家女兒結隊行銀  
釵布服穿雲去暮歸曉出不盈筐家中已到販茶商傳說  
欲增茶戶賦行見官文榜村路

賣花詞

日日賣花花自種筠籃竹擔香相送深巷平明喚一聲驚  
回多少紅樓夢傍人莫笑所業微姓名到處女郎知一花  
纔了一花續賣花贏得看花福私幸生涯勝力田官家不  
稅賣花錢

題出塞圖爲徐蒸遠

步雲

中翰作

玉關三載客見畫尙堪愁旅夢迷荒嶂霜髭冷暮秋斗旋

人北去風急水西流誰說書生弱沙場已再遊

題董東山師所藏郭河陽關山行旅圖

書生本無經世志奇服遠遊快幽意袖底常攜五岳圖偶  
向人間作遊戲東山先生老畫師手出河陽畫相示有山  
巉巖水濺濺車輪馬蹏相後先嘒嘒鳴蟬集古寺蕭蕭落  
木飛平田羶衣席帽逗人影野風吹面酒初醒遙峯天際  
攢玉簪斜日林梢挂金餅其後追隨僕與奴幼者垂髫老  
白須肩擔手提各有物一琴一劍一箱書穿霄削壁懸寒  
瀨去路茫茫生暮靄白塔紅亭綠樹尖戍樓驛館汀沙外  
飛禽沒處見山城一抹浮雲與堞平旌旗慘淡秋色裏風  
來髣髴聞笳聲不知此地果何處恍見夢中熟經路梁苑

春殘策馬行秦關月落聽雞度自從挾策辭衡茅裹足不  
復重打包晴窗對此發遐想邇日真類風中匏萬峯周遭  
著一我行李蒼黃馬馱馱水複山重夜雨時一點愁紅村  
店火

閏七夕

星橋依舊鵲填河綵幙從新瓜果羅此夕靈期還巧合他  
年密誓更蹉跎五絲再綰同心結百子重翻連愛歌添卻  
紅樓思婦恨西風無語又停梭

題扇有寄四首并序

涼生槐閣溽暑將闌露滴桐枝新秋乍引盼佳人兮  
天末悵遠道以灤淄張緒風流舊是靈和之種宗之

瀟灑皎如玉樹之年粉暑蟬冠迴翔雞樹屬車豹尾  
供奉鸞坡僕也佩紉蒨蘭盟深風雨吟賡彩筆調叶  
瓊琴每西園接席之餘作南浦銷魂之句眺塞垣之  
紅葉已滿千山吹碧落之金風正逢七夕思君永夜  
卽景抒豪偶寫墨梅一枝綴以長言四律報瓊箋于  
塞上卽當落月之吟攜紈扇於袖中勿作秋風之棄  
暮雲重疊滯秋陰一夕征鴻託遠心黃葉聲中頻削簡玉  
堂深處記題襟瓊樓望斷金波影銀漢光橫珠樹林咫尺  
鸞輪飛不到碧城青鳥信沉沉

天山銅柱勒奇勲雛鳳新聲迴不羣自到西窗同翦燭每  
依北斗感停雲秋風香草思公子繡被湘絃憶鄂君莫道

神仙容易近幾人曾共挹清芬

纍衣樓外露華零颯拉秋聲不暫停金勒長原驕試馬珠  
簾小閣暗流螢合歡空復攜團扇好夢何當隔畫屏鵲渚  
星橋頻悵望有人此夕拜雙星

銷魂殘柳骨寒煙遠塞攀條意惘然才子年華思錦瑟夕  
郎風度豔金蟬邊城霜信清笳急客館秋懷錦字傳團扇  
影如今夜月相思一度一迴圓

閏七月旣望過芷塘寓齋會王大蓬心至小飲接  
葉亭月下放歌

碧空雨洗天如拭夕照西林滿秋色此時愛君池上閒相  
對無言坐磐石一庭暮景藹蒼蒼幾樹枯槐響策策誰與

剝啄到雲林開門識是王蓬心主人愛客客不速石几筠  
簾拂素琴雲浮浮兮山之木玉餅瓷瓊傾醺醪須臾返照  
入深屏明月飛來墮酒鎗桂黃露白煙草碧動我一片鄉  
園情吾鄉今夜秋正好銀鐙畫舫笙歌繞況逢閨歲百年  
難乞得天孫兩回巧香溪溪邊煙水斜青罨上下漁莊小  
五湖舊有草堂存心戀慈暉同寸草西風砧杵玉樓寒香  
霧煙鬟鬢絲老可憐滿眼望扁舟只是關心看斗牛青年  
不知重離別豈知客裏增煩憂慨然洗琰更引滿今我不  
樂歲月適君不見亭中題句墨猶新小劫分明易主人西  
崖老去南華死又遣風光屬吾子

秋日同人集劉竹軒寓小飲

當筵惆悵思無窮  
況復清光滿綺櫳  
南菊開時人易醉  
西園集後畫難工  
鑑前促膝看浮蟻  
天末呼羣感塞鴻  
曲宴未終涼月落  
又愁花影過牆東

題陸葵霑先生吳淞歸棹圖

吳淞半江水  
莎草美且蒨  
中有幽居人  
浪跡混漁佃  
向讀江湖散人歌  
心儀其人不見江頭閒  
卻舊扁舟寂寂落紅春  
萬片先生系出天  
隨後瀟灑風襟世無有  
廿年漂泊孝廉船  
幾句新詩各人口  
春來夢落故江邊  
一帆風直江南天  
中年自爾宦情薄  
矧有令子才名賢  
荒村老屋蔽數椽  
屋旁尚有桑麻田  
繹繹風急篷窗臥  
掉頭一去真神仙  
余家丙舍傍萊菔  
紫花瀨淺下峯遮  
自從騎驢走京邸  
蒼



茫歸計今猶賒甫里邨松陵渡紅蓼白蘋秋欲暮水國煙  
波引客思擬搖急觴圖中去

棄婦詞三首

結髮字君子二八顏如花蛾眉山潑黛風度何窈窕初七  
及下九灼灼揚其華聘以金鈿合載以油壁車春風卷珠  
箔夾路鼓吹譁紫絲結步幃明璫簇笄珈入門嘉儀合共  
道新婦佳十年修內職黽勉力持家君心石不轉妾心璧  
無瑕兔絲附女蘿白首未有涯

白首不可期恩情一朝變猜恨幾時生寂寞何由遣羅襦  
不復施檢素不獲展下堂一迴顧已覺萬里遠習習谷中  
風吹我樹上蘭汀草綠已繁林花露猶泣燕鳥依北枝越

鳥巢南苑薄命分所甘齊心理誠善涼月白紛紛庭虛而  
情滿棄置復何言餘恩但繾綣

棄捐勿復道溝水東西流秋月與春花處處增繁憂君家  
翠微畔迢迢有高樓樓上何所有珠箔珊瑚鈎感君鄭重  
意貯妾樓上頭殷勤繡大士爲君壽千秋知君無他意是  
妾命不猶滅燭古所戒行露衆所羞猜嫌始微渺致此將  
誰尤垂聲謝後世切勿自專由

小游仙詩三十首

讀書堂寄浣花村一樹梨花一酒尊爲赴幽期乘夜出白  
雲看楊鶴司門

羣仙春宴集蓬瀛馭鳳驂麟不計程我欲海天看曙色獨

從鰲背踏雲行

小憩西池王母家千年一度落桃花隨風陣陣淩空去不  
化春泥化曉霞

千尺紅雲作毯鋪醉邀玉女賭投壺兩番鳳策聯華勢羸  
得金箱五嶽圖

鸚鵡林鹿砦帶虹橋橋上飛亭壓海潮縣圃春來無別草淺  
藍煙影玉生苗

常笑周王八駿遲鎬京數日到瑤池似儂小立飛鵬背九  
萬雲程瞥眼時

玉女牕扉敞畫樓捲簾坐看海天秋閒中擷笛吹明月飄  
落梅花滿十洲

爲論靈樞秘笈文瑤臺詰旦會茅君雙成手執青鸞尾夜  
向金梯掃凍雲

清修私幸未蹉跎免向人間喚柰何薄有花前煩惱事弈  
棋輸酒博輸歌

仙山不負好春時月榭雲廊花萬枝玉女環持蟬雀扇乞  
書舊日早朝詩

罡風浩浩揭窗櫺金鳳雙銜九子鈴仙境高寒仍小住愛  
看海色一樓青

宴賞瀛洲曲未終沈酣歸去跨長虹幾時方返人間世足  
底扶搖九萬風

青山疊疊水重重游倦還家睡易濃怪底人間霖雨遍衣

來飛去石堂松

金作飛甍玉作梯扶桑東畔構樓栖五更起聽潮雞唱笑  
指紅輪出向西

寶鼎凝香勘水經輕裘新製鸛鵒翎嫌山明日看紅雪仙  
吏舉雲結幔亭

玉山禾出翠茸茸洞裏居人也務農數頃白雲耕未了溪  
僮侵曉起呼龍

韻譜唐時本最優彩鸞曾許繕相投移花海岱雲深處爲  
結神仙寫韻樓

百尺靈槎八月乘漸高風力似生稜星妃無復滿裙會銀  
漢秋涼已有冰

五夜仙官奉敕文  
白榆須種障朝暉  
九天自古無泥土  
只斲深深數尺雲

姓隸天衢列宿名  
好看膏雨布青冥  
蒼龍白虎非吾伴  
愛傍紅鸞是喜星

珠樹瓏璁日上初  
五雲樓閣繞春渠  
玉籤十萬蟠朱篆  
盡是人間未有書

驂鸞醉入月中遊  
夜半霓裳舞未休  
丹桂著花長不落  
廣寒宮獨四時秋

相倩巫咸下九閭  
下招屈宋馬班魂  
離騷史傳多疑義  
盡目雲牕與細論

散花天女彩雲環  
六六分行各兩班  
手灑白梅千萬片  
看

飛玉蜚到人間

碧海春來得寄居  
白榆岸畔構精廬  
圓花作餌閒垂釣  
掣出琴高跨去魚

翠霞簾幙玉鈎銜  
吉月通明進寶函  
神雀頌成深稱旨  
殿前敕賜鳳凰衫

摺笏鸞坡侍從臣  
退朝雙鹿曳金輪  
天街無土難生草  
三月將殘不見春

碧落游行鶴導前  
九霄環佩曳祥煙  
春星摘取三千萬  
歸贈知交作酒錢

迢迢雲漢只長天  
隔岸來尋紫府仙  
不用虹梁架秋水  
芙蓉一瓣當舟船

仙樂將成夕靄霏酒涼惟恐祀相違芙蓉五色鐙千盞導  
我先騎彩鳳歸

集夢堂司農獨往園爲查儉堂太守題入蜀圖卽

送之官寧遠

西風葉落攪離愁雪棧千盤尺幅收自古詩人都入蜀于  
今良會正中秋風期盡此一杯酒霜鬢何當萬里遊難得  
行蹤隨杜老劍州君去我秦州

時予將  
赴隴右

上海門人趙秉淵編校

靈巖山人詩集卷二十